

書院

古聖王之造士也家有塾黨有庠術有序國有學皆所以教育人才使之藏修息游請業請益於斯故所成多遠大之材而資國家之用昔文翁之於蜀退之之於潮造士之效有明徵矣興雖小邑忠信之長加意作人多士黽勉進修必有明體達用者出其間庶不負建設之深心矣乎

岑山書院

今爲岑陽書院

在縣東郭內萬曆中知縣謝光陽建訓

興安縣志

卷九

書院

一

導獨孤元記不知廢於何時 國朝康熙二十八年

知縣曹學雋重建置學田百畝自爲記

記載藝文

廣信府興安縣爲義田之租花有限 朝廷之賦

稅難免詳請 憲批以垂永久事康熙二十八年九

月初三日將義田糧差出之邑令租花專供歲需庶

無不足以便經久緣由申詳本郡憲馮 批示勒石

蒙批信屬兵燹之後文教久荒人風鄙陋振興鼓舞

之方最爲喫緊今該縣置立學舍義田延師教讀又

捐納糧差以圖垂久具見實心實政殊可嘉尙事莫

難於創始而循守前規亦屬匪易如詳勒石昭示來
茲可也此繳蒙此遵卽勒石以冀善後

社學在社倉舊址今廢址存姜憲卿記

前志

課士館在小東門外知縣劉侯建今廢周璞記

見藝文

荷峯書院在縣治西北瑄山張深建立以教其族里

李奎記

記載藝文

篁村義塾在十七都元至正時李氏合族捐建置有
田產明宏治時御史李艾宦歸復捐田七十餘畝爲
師生膏火之資族里並得肄業明季兵燬 國朝康

興安縣志

卷九

書院

二

熙五十三年合族俱建其租稅支給學俸膏火如舊
式

前志

白石書院在葛源二十都宋儒劉養浩字體元講學
之所立有學田以教族里子弟其孫光字自謙翰林
院編修因創白石書院祀朱文公黃文肅公以養浩
逮事文肅本其教所自也復增田千餘畝以贍來學
者元詔旌其閭遺址碑刻尙存聶義方劉堯裔秦錫

孚張嘉慶有記

記載藝文

附白石書院規條 一書院每歲將穀一百五十石

以爲延師脯餼之資聘請名師教育士子使凡有志之士不拘鄉城遠近皆許入院肄業倘有品行不端不崇實學者聽館師擯逐其輪值該董事務於上年十二月擇定名師預行稟縣敦請出示開館日期一書院自元翰林劉光奏立先賢先儒各牌位今仍於每歲將穀四十石以爲祭祀之費訂期十月十五舉祭所有劉姓祭胙公照捐資數目頒給以彰獎勵一書院祭祀凡在書院肄業生童均應頒胙今於每歲院胙三十觔照依在院肄業師生多寡均分未與

祭者不得頒給 一書院每歲撥穀三十石以爲完納地丁漕糧之需該董事務須踴躍輸將如值秋收穀價參差先將納糧銀本照依鄉例起息歸還 一書院屋宇倘有損壞公議貯租修理 一書院各佃應交租穀定限每年九月內全完以應公用如有頑抗過期者其田另行起佈租穀稟縣比追 一書院所有田畝租數碑刻誌載相符皆可查核該董事人等倘有存私侵蝕及田產與書院地畝相連冀圖侵佔者一經察出無論

紳衿士民除公罰外定行按究
乾隆二十八年十二月立